

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat

Kapitali 1

Inatsisip atortuuffia

§ 1. Inatsit atortussaatinneqarpoq kommuninut aamma Namminersorlutik Oqartussanut, taakkununnga ilangullugit ingerlatsiveqarfinnut, naalakkersuisoqarfinnut, paaqqinnittarfinnut, suliffeqarfinnut il. il., taakku missingersuutaat kommunit ukiumoortumik missingersuutaannut imaluunniit Namminersorlutik Oqartussat aningaasanut inatsisaannut ilangunneqarsimappata.

Imm. 2. Naalakkersuisut aalajangersinnaavaat inatsimmi malittarisassat aamma inatsit naapertorlugu malittarisassat tamakkiisumik ilaannakortumilluunniit suliffeqarfinnut, peqatigiiffinnut, aningaasaateqarfinnut il. il. atuutsinneqassasut:

- 1) taakku ingerlatsinermi imaluunniit naatsorsuutitigut amigartoorutaat kommuninit Namminersorlutilluunniit Oqartussanit tapiissutitigut imaluunniit inatsit naapertorlugu tapersiilluni tunissuteqartoqneratigut, akitsuutitigut allatigulluunniit isertitatigut matussuserneqassappata, imaluunniit
- 2) kommuninit, Namminersorlutik Oqartussanit imaluunniit suliffeqarfinnit il. il. nr. I-imi ilaatinneqartunit aningaasaliiffingeqartartunut, tapiissutisartunut, taarsigassarsisinneqartunut, qularnaveeqqusiiiffingeqartunut allatigulluunniit taperneqartunut, tassa aningaasaliissutit il. il. tigusisussap ingerlatsineranut annertuumik pingaaruteqarpata.

Imm. 3. Imm. 2 atuutsinneqassanngilaq inatsimmi allami suliffeqarfiup, peqatigiiffiup imaluunniit aningaasaateqarfiup missingersuusiornissaanut naatsorsuusiornissaanullu malittarisassanik aalajangersaasoqarsimappat.

Kapitali 2

Missingersuutinik oqimaaqtigiiissitsineq taarsigassarsinerlu

Missingersuutinik oqimaaqtigiiissitsineq

§ 2. Missingersuutit tamarmiusut pisortat aningaasaqneranni tamarmiusuni ukiut sisamat ingerlaneranni oqimaaqtigiiissinneqassapput imaluunniit sinneqartoofiuussapput.

Imm. 2. Missingersuutit oqimaaqtigiiissinneqarnissaannik piumasaqaat imm. 1-imi pineqartoq naammassineqarsimassaaq:

- 1) kommunip ukiumoortumik missingersuutaani imaluunniit Namminersorlutik Oqartussat aningaasanut

inatsisaanni isertitat, ingerlatsinerit sanaartornerillu nalinginnaasut inernerri tamarmiusut ukiut sisamat ingerlaneranni amigartoorfiumngippata,

2) kommunit imaluunniit Namminersorlutik Oqartussat ingerlatsinermut aningaaartuutaat tamarmiusut ukiumut annerpaamik 1,5 procentinik qaffassimappata aamma ukiut sisamat ingerlaneranni qaffariaataat annerpaamik 2,00 procentiuppat, aamma

3) kommunit imaluunniit Namminersorlutik Oqartussat ingerlatsinermut nuussisarnermullu aningaaartuutaat tamarmiusut ukiut sisamat ingerlaneranni isertitassatut naatsorsuutigineqartut annerpaamik 93 procentiisut annertutigippata.

Imm. 3. Nalinginnaasumik isertitat tassaapput § 18, imm. 3-mi isertitanut pineqartunut sanilliullugu isertitat allat.

§ 3. Nikingassutaagallartup piffissami ungasinngitsumi aningasaqarnikkut atasinnaassuseq ulorianartorsiortissanngippagu immikkorluinnaq pisoqartillugu § 2, imm. 1-mi piumasaqaatip taaneqartup saneqqunnissaanut Naalakkersuisut inassuteqareernerisigut Inatsisartut Aningasaqarnermut Akileraartarnermullu Ataatsimiititaliaat akuersissuteqarallarsinnaavoq.

Imm. 2. Pissutsit immikkut illuinnartut tassaapput pisut nalinginnaasuunngitsut Namminersorlutik Oqartussat nakkutigisinnaanngisaat aamma pisortat aningasaqarnerannut tamarmiusumut pingaaru-teqarluinnartumik sunniuteqartartut imaluunniit piffissat ilaanni aningasaqarnikkut annertuumik kinguariartitsisartut.

§ 4. Naalakkersuisoq taanna Naalakkersuisut Siulittaasuata erseqqinnerusumik aalajangersaaneratigut tamatumunnga piginnaatinneqartoq ukiut tamaasa apriliip naalernerani ukiuni aningasanut inatsiseqarfiusuni 4-ni tulliuttuni inerniliunneqartunut § 2, imm. 2, nr. 2 aamma 3-mi taaneqartunut missingersuusianut killiliussanullu naatsorsuutinik suliaqassaaq.

Piginnaatitsissut

§ 5. Missingersuutinik naatsorsueriaasissaq pillugu Naalakkersuisut erseqqinnerusumik malittarisassaliorsinnaapput.

Taarsigassarsineq

§ 6. Naalakkersuisut inissianut, inuussutissarsiuutinut attaveqaatinullu suliniutinut aatsaat taarsigassarsisinnaallutiluunniit taarsigassarsinissamut akuersisinnaapput, atuisut akiliutaat, pisortat aningaaartuutaasa annikillisat pisortalluunniit kinguneqaatitut isertinneruligassaasa minnerpaamik taarsigassarsiamut atasumik erniat taarsersuutitullu akiliutit matussusersinnaappasigit. Taamattaaq aningaasaliissutit taneqartut ungasissumik isigisumik aningaasarsiornermut politikip attanneqarsinnaaneranut ikorfartuisuussapput.

imm. 2. Imm. 1 aamma aningaasalersueriaatsini tulliuttuni atoneqassaaq:

- 1) akiitsunik pisussaaffinnik tigusinerni
- 2) qularnaveeqquutinik pisussaaffinngoratarsinnaasunik allanik tigusinerni,
- 3) aningaasatigut attartornermik isumaqtigiiissuteqarnermi, imaluunniit

4) pisortat namminersortullu suleqatigiinnerannik il.il. isumaqatigiissusiornerni

Imm. 3. Imm. 1-imi 2-milu taaneqareersutut taarsigassarsitsisoqarnissaani taarsigassarsinissaq taarsigassarsianillu akuersinissaq il.il. pillugit malittarisassanik erseqqinnerusunik Naalakkersuisut aalajangersaasinnapput.

Kapitali 3

Aningaasaliissuteqarnermi tunngaviit

§ 7. Ukioq aningaasanut inatsiseqarfiusoq 1. januaarimiit 31. decembarip tungaanut sivisussuseqarpoq.

§ 8. Aningaasaliissuteqartoqaqquartinnagu aningaasartuuteqartoqassanngilaq aamma isertitaqarto-qassanngilaq, taamaattoq tak. § 23, imm. 2

Kapitali 4

Aningaasanut inatsit, ukiumoortumik missingersuutit il. il.

Namminersorlutik Oqartussat aningaasanut inatsisaat

§ 9. Naalakkersuisut aningaasanut inatsisissatut siunnersuut ukioq aningaasanut inatsiseqarfiusussaq sioqqullugu kingusinnerpaamik ulloq 1. september saqqummiutissavaat.

Imm. 2. Aningaasanut inatsisissatut siunnersuutip imarissavai Nunatta Karsiata ukumi aningaasanut inatsiseqarfiusumi aningaasartuutai isertitaalu tamaasa.

§ 10. Ilanngaatitaqanngitsumik naatsorsuisarneq tunngavigalugu aningaasartuutissanut isertitassanullu missingersuutit aningaasanut inatsisissatut siunnersuummi immikkoortinnejqassapput.

Imm. 2. Aningaasartuutissat missingersuutaanni ingerlatsinermi aningaasartuutit kiisalu isertitat tamarmik ilanngunneqassapput.

Imm. 3. Isertitassat missingersuutaanni naalagaaffiup Namminersorlutik Oqartusanut tapiissutai aamma akileraarutitigut akitsuutitigullu isertitat ilanngunneqassapput. Aamma iluanaarutit, pigisanik nalilinnik tunisinerit, sanaartorneq il. il. isertitassatut aningaasaliissutinut ilanngunneqassapput.

§ 11. Aningaasanut inatsisitigut aningaasaliissutit naalakkersuisup aalajangersakkat erseqqinnerusumik aalajangersarneqarsimasut malillugit atuinissaanut piginnaatitsissutaapput.

Imm. 2. Naalakkersuisoq oqartussaaffimmi aningaasaliissutaanut akisussaasuuvooq. Naalakkersuisup akisussaasuusup aningaasaliissutit atorluarneqarnissaat qulakkiissavaa.

§ 12. Aningaasaliissutinut oqaasertaliisoqarsinnaavoq. Oqaasertaliussat taamaallaat aningaasaliissutit aqunneqarnissaannut tapertaassapput.

Imm. 2. Oqaasertaliussat ukumi aningaasanut inatsiseqarfiusumi aningaasanut inatsimmut oqaa-sertaliiffiusumi taamaallaat atuutissapput.

Imm. 3. Oqaasertaliussat aqqutigalugit inatsimmut atuuttumut aalajangersakkanik tigussaasunik allanik

ilanngussisoqarsinnaavoq. Oqaasertaliussat aqqutigalugit inatsisinik atuuttunik allannguineq immikkorluinnaq pisoqartillugu, allannguutissallu piffissamut aalajangersimasumut atuuppata aatsaat pisinnaavoq.

Imm. 4. Oqaasertaliinikkut ataavartumik nalinginnaasumilluunniit inatsimmik allannguisoqarsin-naanngilaq.

Imm. 5. Oqaasertaliussat ukiumi aningaasanut inatsiseqarfiusumi tullermi aningaasaliissuteqarnissamut siuarsaasuussanngillat.

§ 13. Naalakkersuisut aningaasanut inatsisissatut siunnersuutip suliarineqarnissaanut aaqqissuuneqarnissaanullu malittarisassaliorsinnaapput.

Imm. 2. Naalakkersuisut aningaasat atorneqanngitsut ukiup tullianut nuutassat pillugit malittarisassaliorsinnaapput.

Imm. 3. Naalakkersuisut immikkoortunut pilersaarusiornissamut immikkoortup pineqartup iluani periusissianik sukkulluunniit atuuttunik takutitsisunut malittarisassaliorsinnaapput.

Sanaartornerit, iluarsagassat il.il.

§ 14. Aningaasanut Inatsisissatut Siunnersuut Namminersorlutik Oqartussat sanaartugassaasa iluarsagassaasalu pilersaarusiornissaannut aningaasaliissutissanut siunnersuutinik imaqarpoq.

Stk. 2. Aningaasanut Inatsisissatut Siunnersuut Namminersorlutik Oqartussat sanaartugassaasa iluarsagassaasalu suliarinissaannut aningaasaliissutissanut siunnersuutinik imaqarpoq.

§ 15. Aningaasanut Inatsisissatut Siunnersuut Namminersorlutik Oqartussat illuutinut aalaakkaasunut, sanaartortitsinernut suliassanullu allanut aningaasaliissutissanut siunnersuutinik imaqarpoq.

Imm. 2. Aningaasanut Inatsisissatut Siunnersuut Namminersorlutik Oqartussat sanaartortitsinissanut iluarsagassanullu taarsigassarsitsisoqarnissaannut neriorsuutaannut aningaasaliissutissanut siunnersuutinik imaqarpoq.

Imm. 3. Aningaasanut Inatsisissatut Siunnersuut Namminersorlutik Oqartussat sanaartortitsinissanut iluarsagassanullu tapiissuteqarnissaannut aningaasaliissutinut siunnersuutinik imaqarpoq.

§ 16. Aningaasaliissutit § 14 aamma § 15-imi taaneqartut atornissaat pillugit Naalakkersuisut ukiumoortumik nassuaammik Inatsisartunukartussamik suliaqartassapput. Nassuaat ilaatigut suliniutit nutaat, suliniutit aallartinneqartut aamma suliniutit naammassineqartut unitsinneqartulluunniit pillugit immikkut killifimmik imaqassaaq.

§ 17. Atuinikinnerusoqerneranut sanaartortitsinerit imaluunniit iluarsanerit kinguattoorfiusimancerat pissutaasimappata aningaasaliissutit taaneqartut ukiunut aningaasanut inatsiseqarfiusunut tulliuttunut § 14 aamma § 15-imi taaneqartunut nuunneqarnissaat pillugit malittarisassanik Naalakkersuisut aalajangersaasinnaapput.

Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfik

§ 18. Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfik missingersuusioriaatsimut naatsorsuusioriaatsimullu aningaasaateqarfiuvoq Nunatta Karsianut ilaa-tinneqartoq.

Imm. 2. Aningaasaateqarfiup siunertarivaa piffissamut ungasinnerusumut aningaasaateqarnissaq eqqarsaatigalugu aningaasaateqarfiup aningaasaataanik aningaasaliissuteqartarnissaq. Aningaasa-teqarfiup aningaasaatai piffissaq ungasinnerusoq eqqarsaatigalugu toqqisisimanartumik, iluanaaru-taanerpaaffiusumik pitsaanaerpaamillu inuiaqatigiit aningaasaqarnerannut sunniuteqarnissaat anguni-arlugu aningaasaliissutigineqassapput.

Imm. 3. Aningaasaateqarfimmut akiliutit nuunneqartassapput immikkut ittumik isertitanit ukunannga:

1) Ingerlatseqatigiiffit nunanit allaneersut aatsitassarsiornermi misissuinerannut sanaartornerannullu atatillugu ingerlatseqatigiiffiup akileraarutaanit 30 mio. kr.-nik amerlanerusunit Nunatta Karsiata iluanaarutaanit pissarsiat.

2) Aningaasarsianit akileraarutit pillugit Inatsisartut Inatsisaanni § 72 b naapertorlugu akileraarutit A-t.

3) Namminersorlutik Oqartussat pigisaannik 50 mio. kr.-t sinnerlugit nalilinnik tunisaqarnermit ilu-anaarutit.

4) Soraarnerussutisiassanik imaluunniit inuunermut sillimmasiisimanernik Danmarkimi, Savalimmuni nunaniluunniit allani soraarnerussutisiassanut aningaasaateqarfinnut nuussinernit imaluunniit inuunermik soraarnerussutiassanillu sillimmasiisarfimmit Kalaallit Nunaanni najugaqartumit akileraarutinit akitsuutinillu iluanaarutit.

5) Nunatta Karsiata naatsorsuutaanit sinneqartoorutit ukiup aningaasanut inatsiseqarfiusup kingorna ukiup naannginnerani atorneqarsimangitsut.

Imm. 4. Imm. 3 naapertorlugu iluanaarutit tiguneqarnerannit kingusinnerpaamik qaammatip ataatsip qaangiunnerani aningaasaateqarfimmut nuunneqassapput.

Imm. 5. Imm. 3 malillugu akiliutigineqartut Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat naapertorlugu isertitanut Kalaallit Nunaata Aatsitassarsiornermi Aningaasaateqarfianut ikineqartussanut imaluunniit Namminersorlutik Oqartussat aatsitassanit iser-titaqarsinnaatitaanerat aamma ataatsimoortumik tapiissutisisinnaatitaanerat pillugu inatsis naapertorlugu isertitanut ilaatinneqanngitsut naalagaaffiup Namminersorlutik Oqartussanut ataatsimoortumik tapiissutaannik ikilisitsissapput.

Imm. 6. Ukiut aningaasanut inatsiseqarfiusut akornanni akiliutigineqartut nikingassutaat aningaa-saateqarfimmi nalimmassarneqassapput.

Imm. 7. Piffissaq Ungasinnerusoq Eqqarsaatigalugu Aaninggaasaliissuteqarnissamut Aningaasaateqarfiup ingerlaavartumik aqunneqarnera Naalakkersuisut Siulittaasuuta erseqqinnerusumik aalajangersaaneratigut naalakkersuisumut tunniunneqassaaq.

Imm. 8. Naalakkersuisut aningaasaateqarfiup missingersuusiortarnissaanut naatsorsuusiortarnissaanullu malittarisassaliorsinnaapput.

Imm. 9. Naalakkersuisut minnerpaamik ukiumut ataasiarlutik Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfiup suliai pillugit Inatsisartunut nassuaasiortassapput, tassunga ilanggullugu suliniutit nutaat, suliniutit ingerlanneqartut naammassineqarsimasullu imaluunniit unitsiinnarneqarsimasut killiffi immikkut naatsorsussavaat. Nassuaat kingusinnerpaamik Nunatta Karsiata naatsorsuutaasa saqqummiunneqarnerani naammassineqarsimassaaq naatsorsuutinullu ilanggullugu suliarineqassalluni.

Imm. 10. Naalakkersuisut aningaasaateqarfíup aningaasaataanik aningaasaliissuteqartarnissaq pillugu erseqqinnerusumik aalajangersagaliorsinnaapput.

Aningaasaliissutit nutaat allanngortitalluunniit

§ 19. Naalakkersuisut ilassutitut aningaasaliiffigineqarnissamik qinnuteqaasiornissamut erseqqinnerusunik aalajangersagaliorsinnaapput.

Kommunit ukiumoortumik missingersuutaat, ukiunut arlalinnut missingersuutaat il. il.

§ 20. Aningaasaqarnermut Ataatsimiitaliaq kommunip ukiumut aningaasanut inatsiseqarfiusussamut tullermut ukiumoortumik missingersuutissaanik communalbestyrelsímut siunnersuusiusaaq.

Siunnersuutit ukiunut tulliuttunut minnerpaamik pingasunut missingersuusianik imaqassapput.

Imm. 2. Ukiumoortumik missingersuusiap imarissavai kommunipisertitassai aningaasartutissaalu tamarmiusut kiisalu kommunip aningaasaataasa tigoriaannaat aamma aningaasaqarnikkut naatsorsuutaasa nikingassutaat.

Imm. 3. Ukiumoortumik missingersuutit aningaasartutissatut isertitassatullu aamma nikerartussanut allanut ilimagineqartunut tamatigut takussutissaassaaq. Kommuninut ataatsimoortumik tapiissutinik tunniussisoqarneranut atatillugu siunertanut aalajangersimasunut erseqqinnerusunut aningaasanik immikkoortitsisoqarnissaanut isumaqatigiissuteqartoqarsimappat ukiumoortumik missingersuutini ikinnerpaamik aningaasanik taakkuninnga siunertamut pineqartumut immikkoortitsisoqassaaq.

Imm. 4. Ukiumoortumik missingersuusiaq tunngavissiissanngilaq taarsigassarsinissamut, attartor-nissamut imaluunniit attartortitsinissamut, tassa Naalakkersuisunit akuersissummik pisariaqartinne-qartumik tunniussisoqarsimatinnagu imaluunniit communalbestyrelsíp malittarisassat atuuttut naaperorlugit Naalakkersuisunit akuersissummik pissarseqqaarani taarsigassarsinissaanut, attartornissaanut imaluunniit attartortitsinissaanut.

Imm. 5. Naalakkersuisut missingersuusiornissamut aamma ilassutitut aningaasaliissuteqarnissamut malittarisassaliorsinnaapput kiisalu kommunit aningaasaatissaannut tigoriaannarnut minnerpaamik piumasaqaasiorsinnaallutik.

§ 21. Aningaasaqarnermut Ataatsimiitaliap ukiumoortumik missingersuutissatut ukiunullu arlalinnut missingersuutissatut siunnersuutai communalbestyrelsími minnerpaamik sapaatit akunnerisa marluk akornanni marloriarlugit suliarineqassapput.

Imm. 2. Ukiumoortumik missingersuutinut siunnersuut kommunip nittartagaatigut tamanut saqqummiunneqassaaq peqatigitillugulu siunnersuut siullermeerneqartussanngorlugu aappassaaneerneqartussanngorlugulu communalbestyrelsíp ilaasortaanut nassiunneqarluni. Siunnersuut aamma Naalakkersuisunut ilisimatissutitut nassiunneqassaaq.

Imm. 3. Ukiumoortumik missingersuutissatut aamma ukiunut arlalinnut missingersuutissatut siunnersuutit marloriarlugit suliarineqarnissaannut periusissatut malittarisassat communalbestyrelsíp suleriaatsimini aalajangersassavai.

Imm. 4. Ukiumoortumik missingersuusiap aappassaaneerlugu oqaluuserineqarnissaanut inaarutaasumik piffissaliussassaq Naalakkersuisut aalajangersassavaat, aamma ukiumoortumik missingersuusiamí

kommunalbestyrelsip inaarutaasumik akuersissuteqarnermini aningaasaliissuteqarfissanik isummerfigisassaani naatsorsuutit immikkoortiterneqarnissaannut malittarisassalior sinnaapput.

Imm. 5. Ukiuomoortumik missingersuutit akuersissutigineqarnerannit kingusinnerpaamik ulla t 14-it qaangiunneranni taakku assilinerat Naalakkersuisunut nassiunneqassapput.

§ 22. Ukiuomoortumik missingersuutit ukiunullu arlalinnut missingersuutit akuersissutigineqarnerannit kingusinnerpaamik ulla t 14-it qaangiunneranni kommunimi innuttaasunit takuneqarsinnaanggussapput.

Imm. 2. Ukiuomoortumik missingersuutit ukiunullu arlalinnut missingersuutit imaasa naatsumik nassuiarneqarnerat ukiup aningaasanut inatsiseqarfiusussap tulliata aallartinnginnerani kommunip nittartagaatigut tamanut saqqummiunneqassapput.

§ 23. Ukiuomoortumik missingersuutini naatsorsuutit kommunalbestyrelsip ukiumoortumik naatsorsuutnik akuersissuteqarnermini aningaasaliissuteqarfissanut tunngatillugit isummerfigisai § 21, imm. 3 naapertorlugu kommunip ingerlatsineranut pisussaaffiliippit.

Imm. 2. Aningaasaliissuteqarnissamat oqartussaaffik communalbestyrelsimiippoq. Suliniutit inatsisitigut, peqqussutitigut imaluunniit allatigut inatsisitigut aalajangersakkatigut peqqussutigineqartut pisariaqartitsinermi communalbestyrelse aningaasaliissuteqaqqaanngikkaluartoq aallartinngarserinnaapput, aningaasaliissutili piaernerpaamik pissarsiarineqarsinnaasariaqarput. Kommunalbestyrelsillu aammattaaq aningaasaqarnermut ataatsimiititaliaq pisinnaatissinnaavaa ingerlatsinermi aningaasartutissanik missingersuutiniittunik nikisiterisinnaanermut kiisalu sanaartugassanut aningaasaliissutnik sanaartugassanut allanut nuussisinnaanermik.

Imm. 3. Illassutitut aningaasaliissutaasut tamarmik aningaasartutissatut akuersissutigineqartut qanoq matussuserneqarnissaannik paassisutissanik imaqassapput, ukiunut missingersuusiorfiusunut kingunerisinnaasai ilanggullugit. § 21, imm. 3-mi illassutitut aningaasaliissutnik atuisinnaanermut assinguvoq.

§ 24. Imm. 2-mi malittarisassatut aalajangersakkat apeqqutaatillugit kommunit Naalakkersuisunit akuerineqarnatik:

- 1) taarsigassarsisinnaanngillat allanillu akiitsunik pisussaaffilersinnaanatik,
- 2) qularnaveeqquassisinaneranatik aallanillu pisussaaffinngoratarsinnaasunut tigusisinnaanatik,
- 3) attartartorsinnaanatik leasinginillu isumaqatigiissuteqarsinnaanatik,
- 4) pisortat namminersortullu suleqatigiinnerannik il.il. isumaqatigiissussiorsinnaanatik, imaluunniit
- 5) aalajangersimasumik akiliutigisartakkamik assigisaanilluunniit neriorsuinnaanngillat, kommunit inatsisit naapertorlugu isumagisassarinngisaannik.

Imm. Naalakkersuisut malittarsiassanik, kommunit erseqqissumik aalajangersarlugit killiliussani iluanni imm. 1-im taarsigassarsisinnaanermik il.il. pisinnaatitsisunik aalajangersaassapput. Naalakkersuisut tassani pisinanatitsissumi, kommunit aningaasaqarnermik, missingersuutnik il.il. aqutsinernermik pi umasaqaatinik naammassinninnissaat tunngavissaatissinnaavaat.

Kapitali 5

Aningaasartutinik nakkutilliineq

Sioqqutsisumik aningaasartuutinik nakkutilliineq

§ 25. Kommunit Naalakkersuisullu tamarmik ukiumi aningaasanut inatsiseqarfiusumi piffissani aalajangersimasuni naatsorsuutit, paassisutissat allat aamma kommunip pineqartup oqartussaaffeqarfiiunniit ataasiakkaat ukiumut aningaasanut inatsiseqarfiusumut tunngatillugu naatsorsumminnik kingullernik misissuisimanermi naliliinerat pigineqartut tunngavigalugit ukiumi aningaasanut inatsiseqarfiusumi aningaasaliissutissat sinnerlugit atuisoqassanersoq nakkutigissavaat.

Imm. 2. Kommunip Naalakkersuisulluunniit imm. 1 malillugu aningaasartuutinik nakkutilliinerisigut paasinarsippat kommunip pineqartup imaluunniit Namminersorlutik Oqartussat ukiumut aningaasanut inatsiseqarfiusumut inaarutaasumik naatsorsuutaasa ukiumi aningaasanut inatsiseqarfiusumi aningaasaliissutissat sipporsinnaagaat, taava kommuuni pineqartoq Naalakkersuisorluunniit ukiumi aningaasanut inatsiseqarfiusumi aningaasaliissutit sippuisussat naatsorsuutigineqartut matussuserneqarnissaat anguniarlugu iliuuseqartoqarnissaannik aalajangiissapput.

§ 26. Kommunit Naalakkersuisullu tamarmik ukiumi aningaasanut inatsiseqarfiusumi piffissani aalajangersimasuni erseqqinnerusuni § 25, imm. 1 malillugu aningaasartuutinik kingullermik nakkutilliineri inernerit pillugit aamma § 25, imm. 2 malillugu aalajangiisinnanerup imarisai erseqqinnerusut pillugit naalakkersuisumut Naalakkersuisut Siulittaasuannit erseqqinnerusumik aalajangersaanikkut immikkut tassunga piginnaatinneqartumut paassisutissanik nalunaaruteqartassapput.

Imm. 2. Imm. 1-imni taaneqartutut kommuuni nalunaaruteqarsimanngippat Naalakkersuisup Siulittaasuata tassunga piginnaatitsineranut aalajangersakkat erseqqinnerusut malillugit naalakkersuisuutitaq nalunaassaaq kommuuni ullut suliffiusut 10-t qaangiutsinnagit nalunaaruteqassasoq. Piffissamut killiliussaq qaangerneqarpat nalunaaruteqartoqarnissaat tikillugu kommuuninut ataatsimoortumik tapiissutit tunniunneqartussat 10 procentii uninngatinneqassapput. Nalunaaruteqartoqarpat ataatsimoortumik tapiissutit uninngatinneqartut tunniunneqassapput.

Imm. 3. Paassisutissat tunngavigalugit naalakkersuisoq Naalakkersuisup Siulittaasuata erseqqinnerusumik malittarisassat malillugit tassunga piginnaatitaata ukiumut aningaasanut inatsiseqarfiusumut kommuunit Namminersorlutillu Oqartussat aningaasartuutaannut naatsorsuutini kisitsisit kingulliit isertitariumaakkanut sippusanersut nakkutigissavai. Naalakkersuisoq taanna Naalakkersuisup Siulittaasuata aalajangersakkat erseqqinnerusut malillugit tassunga piginnaatitaak nakkutilliinissamut atugassanik paassisutissanik kommuuninut piniarsinnaavoq.

Imm. 4. Imm. 3 naapertorlugu aningaasartuutinik nakkutilliineri paasineqarpat ukiumi aningaasanut inatsiseqarfiusumi kommuunit Namminersorlutilluunniit Oqartussat aningaasartuutaat pillugit inaarutaasumik naatsorsuutit kommuunit Namminersorlutilluunniit Oqartussat ukiumi aningaasanut inatsiseqarfiusumi isertitaasa 2,5 procentii sinnerlugit sipporneqarsimasut, komunalbestyrelsip kommuuni sinnerlugu imaluunniit Naalakkersuisut Namminersorlutik Oqartussat sinnerlugit ullut 30-t qaangiutsinnagit aningaasanit tamarmiusunit atorneqarsinnaasut killilissavaat, tassa ukiumi aningaasanut inatsiseqarfiusumi missingersuutit sipporneqarnissaannik naatsorsuutigisap annertoqataanik killilissavaat, taamaattorli imm. 5 takuu.

Imm. 5. Kommunimut tunngatillugu komunalbestyrelsi imaluunniit Namminersorlutik Oqartussanut tunngatillugu Naalakkersuisut ukiumi aningaasanut inatsiseqarfiusumi naatsorsuutigisatut sippuinerit

sapinngisamik matussuserniarlugit allatut iliuuseqarnikkut atorneqarsinnaasunik killiliisoqannginnissaa pillugu aalajangiisinhaavoq imaluunniit atorneqarsinnaasut killilimmik killilerneqarnissaat pillugu aalajangiisinhaavoq.

§ 27. Naalakkersuisoq taanna Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartoq § 25, imm. 1 aamma § 26, imm. 1-im i taaneqartut malillugit akulikinnerusumik aningaasartuutinik misissueqqusilluni aamma paasisstussanik tunniusseqqusilluni kommunimut peqqusisinnaavoq, matumani kingullermik aningaasartuutinik nakkutiliinermi inernerit kommunimut ukiumoortumik naatsorsuutitigut kisitsisit inaarausasut isertitassatut naatsorsuutaasunut 2,5 procent sinnerlugu amigartoorfiusinnaanerat takuneqarsinnaassappat.

Imm. 2. Naalakkersuisoq taanna Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartoq § 25, imm. 1 aamma § 26, imm. 1-im i taaneqartut malillugit akulikinnerusumik aningaasartuutinik nakkutilleeqqusilluni aamma paasisstussanik tunniusseqqusilluni peqqusisinnaavoq, matumani aningaasartuutinik nakkutiliinerni tulleriinni 2-ni inernerit kommunip isertitaasa 2,5 procent sinnerlugu inaarausumik kisitsisiniq qaangiisinhaanerat takuneqarsinnaappat.

Imm. 3. Naalakkersuisoq taanna Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartoq, imm. 2-milu pisut malillugit pisariaqartinneqarpat, aningaasartuutinik misissueqqissaartoqarnissaanik kommunimut peqqusisinnaavoq.

Aningaasartuutinik nakkutiliinissaq tulliuttoq

§ 28. Kommunit tamarmik Naalakkersuisullu ukumi aningaasanut inatsiseqarfiusumi nutaami kingusinnerpaamik qaammatit pingasut siullit naaneranni misissussavaat ukumi aningaasanut inatsiseqarfiusumi kingullermi aningaasartuutit pilligit naatsorsuutit kisitsisitaasa kommunip Namminersorlutilluunniit Oqartussat ukumi aningaasanut inatsiseqarfiusumi kingullermi isertitaat sipporsimaneraat.

Imm. 2. Kommune ataaseq imm. 1-im pineqartoq naapertorlugu nalunaaruteqanngippat Aningaa-saqnermut Naalakkersuisoqarfuiup kommune ullunik suliffiusunik qulinik piffissalerlugu nalunaaruteqaqqussavaa. Piffissaliussaq malinnejqanngippat kommunip nalunaaruteqarnissaata tungaanut kommunimut tapiissutissat 10 procentii uninngatinneqassapput. Nalunaaruteqartoqarpat tapiissutissat uninngatinneqartut tunniunneqassapput.

§ 29. § 28, imm. 1 malillugu Naalakkersuisut aningaasartuutinik nakkutiliineranni paasinarsippat ukiuni aningaasanut inatsiseqarfiusuni kingullerni 4-ni naatsorsuutinut kisitsisit pigineqartut Namminersorlutik Oqartussat ingerlatsinerannut sanaartortitsinerannullu isertitanit 1 procent sinnerlugu amerliartorfiusunik amigartoorfiusut Naalakkersuisut Aningaasaqnermut Akileraartarnermullu Ataatsimiititaliaata akuersissuteqareerneratigut ullut 30-t qaangiutsinnagit ukiumut aningaasanut inatsiseqarfiusumut nutaamut Namminersorlutik Oqartussat aningaasaliissutaanni aningaasat amerliartorfiusumik amigartorouteqarfiusut ukiuni aningaasanut inatsiseqarfiusuni 4-ni kingullerni isertitat aqqutigalugit 1 procent sinnerlugu qaangerneqarsimappata minnerpaamik 33,33 procentiinik ikilisaassapput aningaasanillu atorneqartussanik assinganik aalajangiillutik, taamaattoq imm. 2 takuuk. Ukiuni aningaasanut inatsiseqarfiusuni 4-ni siuliini amerliartorfiusunik amigartooraasut sinneruttut

ukiup aningaasanut inatsiseqarfiusup nutaap kingornagut ukiuni aningaasanut inatsiseqarfiusuni 3-ni Namminersorlutik Oqartussat aningaasaliissutaannik ikilisaassapput.

Imm. 2. Naalakkersuisut Aningaasaqarnermut Akileraartarnermullu Ataatsimiititaliap akuersissuteqareerneratigut, ukiunilu 4-ni aningaasanut inatsiseqarfiusuni siuliini ingerlatsinermut sanaartortitsinernullu amerliartorfiusumik amigartoorautesit iliuutsit allat aqqutigalugit akuerineqarsimappata, ukiumut aningaasanut inatsiseqarfiusumut nutaamut ukiunilu aningaasanut inatsiseqarfiusuni tulliuttuni Namminersorlutik Oqartussat aningaasaliissutaannik ilanngaasoqarnissaanik imaluunniit taakkuninnga killilimmik ilanngaasoqarnissaanik aalajangiisinnapput. Oqaaseqatigiinni siullerni pisut pineqartut pippata Naalakkersuisut taamatuttaaq atorneqarsinnaasunik killiliisinnaapput.

§ 30. Naalakkersuisoq taanna Naalakkersuisut Siulittaasuata aalajangersagai erseqqinnerusunut malillugit tamatumunnga piginnaatinneqartoq kommunip ukiuni siuliini 4-ni naatsorsuutai isertitaniit 2,5 procent sinnerlugu amerliartorfiusumik amigartoorfiusut paasineqarpat ukiumi tapiissuteqarfiusumi Namminersorlutik Oqartussat kommuninut ataatsimoortumik tapiissutaanik ilanngaassaaq. Ukiuni aningaasanut inatsiseqarfiusuni pineqartuni isertitat 2,5 procent qaangerlugu amigartoorfiusimappata ukiumi aningaasanut inatsiseqarfiusumi siullermi aningaasat 40 procentiinik ilanngaasoqassaaq. Ukiuni aningaasanut inatsiseqarfiusuni pineqartuni isertitat 2,5 procent qaangerlugu amigartoorfiusimappata ukiumi aningaasanut inatsiseqarfiusuni tulliuttuni 3-ni aningaasat 20 procentiinik ilanngaasoqassaaq.

Imm. 2. Ukiumi aningaasanut inatsiseqarfiusumi siullermi ilanngaanernut ukiumi tapiissuteqarfiusumi qaammatini juulimi, agustimi, septemberimi, oktoberimi, novembarimi aamma decembarimi assigiimmik ilanngaanermut akiliisoqassaaq. Ukiuni aningaasanut inatsiseqarfiusuni tulliuttuni ukiup ingerlanerani qaammatit 12-k assigiimmik ilanngaanermut akiliisoqassaaq.

Imm. 3. Naalakkersuisut imm. 1 naapertorlugu appaassutigineqartunik naatsorsuinissamut akiler-suunissamullu erseqqinnerusumik malittarisassaliorsinnaapput, tassunga ilanngullugu naatsorsuusiornermut aamma missingersuutit naatsorsuutillu imminnut sanillersunneranni aaqqitassat pisariaqartut pillugit immikkut ittumik kukkunersiuinermi uppernarsaatinik pissarsiniarsinnaallutik.

Ilisimatitsinerit

§ 31. Aningaasartuitinik Namminersorlutik Oqartussat kommunillu nakkutilliineranni inerniliussat pingarnerit pillugit Naalakkersuisut kingusinnerpaamik 1. september aamma 1. december Inatsisartut Aningaasaqarnermut Akileraartarnermullu Ataatsimiititaliaanut kiisalu Kukkunersiuinermut Ataatsimiititaliamut ilisimatitsissapput, tamannalu pillugu paasissutissanik Namminersorlutik Oqartussat internetimi nittartagaatigut tamanut saqqummiussillutik. Ilisimatitsissut ilaatigut §§ 14-17-imi aningaasaliissutini taaneqartuni atuinermut tunngasunik immikkut killifimmik imaqqassaaq suliniutinullu nutaanut, neriorsuutinut il.il., suliniutinut aallartereersunut, neriorsuutinut il.il. aamma suliniutinut naammassianut imaluunniit unitsiinnakkanut, neriorsuutinut il.il. agguataarlugit.

Imm. 2. Naalakkersuisut qaammatit arfinilikkaarlugit Namminersorlutik Oqartussat nittartagaat atorlugu pisortat akiitsuisa tamarmiusut takussutissartaat tamanut saqqummiuttassavaat.

§ 32. Kalaallit Nunaata aningaasaqarnera pillugu ukiumoortumik nalunaarusiaq, tassunga ilanngullugu pisortat aningaasartuutaasa isertitaasalu ineriantornerat Naalakkersuisut Inatsisartut upernaakkut

ataatsimiinneranni saqqummiuttassavaat. Ukiumoortumik nalunaarusiapi imarissavai qitiusumik aningaasartuuteqarfiusartuni isertitaqarfiusartunilu ataatsimi arlalinniluunniit aningaasaqarnikkut suliassanillu ingerlatsinerup misissuiffigeqqissaarneqarsimanaerat.

Imm. 2. Aningaasanut inatsit ukumi aningaasanut inatsiseqarfiusumi akuersissutigineqarpat nalunaarusiaq imm. 1-imi pineqartoq Naalakkersuisut saqqummiutinngitsoorsinnaavaat.

Aqutsinermi piginnaatitsissut

§ 33. Naalakkersuisut aningaasartuutinik nakkutilliisarneq pillugu erseqqinnerusumik malittarisassaliorsinnaapput.

Imm. 2. Naalakkersuisut kommunit Namminersorlutillu Oqartussat taarsigassarsianut allatullu akiitsunut pisussaaffinnut naatsorsuutaat pillugit malittarisassanik erseqqinnerusunik aalajangersaasinnaapput, soorlu pisussaaffinngoratarsinnaasunut, attartortitsinissamut isumaqatigiissutit, pisortat namminersortullu suleqatigiinneri il.il. aamma tamakku pillugit aningaasaqarnermut naalakkersuisoqarfimmut nalunaaruteqartarerit. Naalakkersuisut tassunga atatillugu naalakkersuisup taassuma Naalakkersuisut Siulittaasuata aalajangersagai erseqqinnerusut malillugit tamatumunnga piginnaatinneqartup nakkutilliinissamut atugassanik paassisutissanik kommuninut piniarsinnaaneranik aalajangersaasinnaapput.

Kapitali 6 *Naatsorsuutit*

Missingersuusiornermut Naatsorsuusiornermullu Siunnersuisoqatigiit

§ 34. Namminersorlutik Oqartussat naatsorsuuserinermetut pisortaat aallartitaq Naalakkersuisunit toqqarneqartoq aamma aallartitat kommuninit toqqarneqartut peqtigalugit Missingersuusiornermut Naatsorsuuserinermullu Siunnersuisoqatigiinni ilaasortaavoq. Siunnersuisoqatigiit missingersuutinut naatsorsuutinullu tunngasuni pisortat ataatsimut soqtigisaannut tunngatillugu apeqqutini Naalakkersuisunut siunnersuisassapput.

Imm. 2. Sinniisutitaq Naalakkersuisunit toqqagaasoq siunnersuisoqatigiinni siulittaasuussaaq, soorlu Naalakkersuisut siunnersuisoqatigiinnut allattaanermik isumaginnittuussasut.

Imm. 3. Naalakkersuisut Missingersuusiornermut Naatsorsuusiornermullu Siunnersuisoqatigiinnut tunngatillugu erseqqinnerusumik malittarisassaliorsinnaapput, tassunga ilanngullugu siunnersuisoqatigiit suleriaasissaat aalajangersaaffigisinnaavaat.

Namminersorlutik Oqartussat naatsorsuutaat

§ 35. Naalakkersuisut ukiumut aningaasanut inatsiseqarfiusumut kingullermut tunngatillugu Nunatta Karsiata naatsorsuutai kukkunersiusut allattugaat ilanngullugit kingusinnerpaamik Inatsisartut ukiakkut ataatsimiinneranni saqqummiuttassavaat.

Imm. 2. Nunatta Karsiata naatsorsuutaasa sananeqarnermikkut ukioq aningaasanut inatsiseqarfiusoq aamma ilassutitut aningaasanut inatsiseqarfiusoq malissavaat, imarissavaalu ukumi aningaasanut

inatsiseqarfiusumi kingullermi Nunatta Karsiata isertitai aningaasartuutaalu tamarmiusut kiisalu Nunatta Karsiata pigisai nalillit akiligassala aamma ukiup ingerlanerani atuisimanerit.

§ 36. Naalakkersuisut Namminersorlutik Oqartussat naatsorsuuseriveqarnerat pillugu malitarisas-saliorsinnaapput. Naalakkersuisut malittarisassaliornermanni naatsorsuuseriveqarnerup iluani isu-mannaatsuunissap torersumillu ingerlatsinissap eqqarsaatigineqarnerisa saniatigut paasissutissanik aningaasaqarnermik pilersaarusrornermut, aqutsinermut nakkutilliinermullu atorneqartussanik pis-sarsisinnaaneq eqqarsaatigissavaat.

§ 37. Namminersorlutik Oqartussani naalakkersuisoqarfit, aqutsisoqarfit suliffeqarfíllu il. il. § 1-imi pineqartut paasissutissanik Naalakkersuisunut nalunaaruteqartassapput aamma naatsorsuinermi atortut Naalakkersuisut Nunatta Karsiata naatsorsuutaanik saqqummiussinissamut pisariaqartitaat pissarsiarisassavaat.

§ 38. Nunatta Karsiata ukiumoortumik naatsorsuutaanik kukkunersiuinarneq kukkunersiuisunit naalagaaffimmit akuerisaasunit Inatsisartut toqqagaannit isumagineqartassaaq.

§ 39. Nunatta Karsiata naatsorsuutai pisortat kukkunersiuinermi ileqqorissaarnissaat naapertorlugu kukkunersiuisut kukkunersiortassavaat aamma Nunatta Karsiata naatsorsuinermi atortui isornar-torsiuismik misissortassavaat. Kukkunersiuisut ilaatigut naatsorsuutit eqqortuunersut misissortassavaat, aamma pissutsit naatsorsuutinik saqqummiussinermi pineqartut aningaasaliissutinut, inatsisinut najoqqtassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunersut misissortassavaat.

Imm. 2. Kukkunersiuisoq Inatsisartut kukkunersiuinermut tunngatillugu piumasaqaataanik malinnissaaq, piumasaqaatit inatsimmut aamma pisortat kukkunersiuinermi ileqqorissaarnissaannut akerliunngippata.

§ 40. Naalakkersuisut paasissutissanik suugaluartunik naatsorsuutit naliliiffiginissaannut pisariaqartinneqartunik kukkunersiuisunut nalunaaruteqassapput, takuuq Inatsisartut Naalakkersuisullu pilligit Inatsisartut inatsisaanni § 18 aamma § 19.

Kommunit naatsorsuutinik nalunaarsuisarnerat naatsorsuutaallu

§ 41. Kommunip naatsorsuutaani nalunaarsorneqassapput kommunip aningaasaatai qanoq aqun-neqarsimanersut aammalu aqunneqarnerat ukiumoortumik aningaasanut missingersuusianut kom-munalbestyrelsillu aalajangiinerinut allanut naapertuuttuunersut.

Imm. 2. Kommunip aningaasaatai isumannaatsumik paarineqassapput. Aningaasat ullormut ator-neqartussatut tigoriaannaatinneqanngitsut aningaaserivimmut ikineqassapput imaluunniit obligationinut aningaasaliinermiluunniit uppermarsaatinut inissinneqassallutik aningaasaateqarfit aningaasaataannik inissiiffingineqarsinnaasunut.

§ 42. Kommunip naatsorsuutai aningaasaqarnermut ataatsimiitaliamit communalbestyrelsimum saqqummiunneqassapput. Naatsorsuutinut ilaatinneqassapput:

1) kommunip qularnaveeqqusiinerinut, attartornerinut, attartortitsinerinut aamma qularnaveeqqu-siissuteqarnermi pisussaaffiinut nalunaarsuutit,

2) pisariaqartitsineq naapertorlugu pissutsit qanoq ittuunerannut nassuaatit, minnerunngitsumik aningaasaliissutaasut naatsorsuutaasullu malunnaatilimmik nikingassuteqarneranni, aamma

3) kommunip aningaasaliiffigisassatut pilersaarutaanut, ukiunut arlalinnut missingersusiaanut il. il. tunngatillugit pissutaasunut nassuaatit

Imm. 2. Kommunalbestyrelsip naatsorsuutinut nassuaatit isummerfigissavai aamma naatsorsuutini immikkualuttut malitseqartinneqassanersut isummerfigissallugit, tamatumalu kingorna naatsorsuutit kommunalbestyrelsip kukkunersiusunut Naalakkersuisunullu ingerlatissavai.

Imm. 3. Naalakkersuisut naatsorsuutit saqqummiunneqarnissaat pillugu malittarisassaliussapput.

§ 43. Kukkunersiusup oqaaseqaatai Aningasaqarnermut Ataatsimiititaliamut nalunaarutigineqas-sapput. Aningasaqarnermut Ataatsimiititaliaq ingerlatsivinnit aningasaqarnermut ataatsimiititaliap toqqaannartumik ataaniinngitsunit akissuteqaatinik piumasaqassaaq. Akissuteqaatit Aningasaqarnermut Ataatsimiititaliap kommunalbestyrelsimit inassuteqaataani ataatsimoortuni ilaatinneqassapput.

Kommunalbestyrelsip alajangiiffigissavaa ukiumoortumik naatsorsuutinut oqaaseqaataasut akissuteqarfingineqarnissaat aammalu ukiumoortumik naatsorsuutit akuersissutigineqarnissaat.

Imm. 2. Kommunalbestyrelsi alajangeereerpat, tak. imm.1, alajangiussaq kukkunersiusut oqaaseqaataat ilanngullugit Naalakkersuisunut nassiunneqassapput.

Imm. 3. Ukiumoortumik naatsorsuutit inaarutaasumik akuerineqarnerannit kingusinnerpaamik ullut 14-it qaangiunneranni kukkunersiusut allattugaat ilanngullugit kommunip nittartagaani tamanit takuneqarsinnaanngussapput.

§ 44. Kommunit tamarmik akuerisaasunik kukkunersiuisoqassapput kukkunersiusunut inatsit sukkulluunniit atuuttoq tunngavigalugu. Kukkunersiuineq Naalakkersuisunit akuerineqassaaq.

Kommunalbestyrelsip kukkunersiuisoq akuerisaasoq asoortissappagu Naalakkersuisut akuersiteq-qaartinneqassapput.

Imm. 2. Kommunip naatsorsuutai pisortat kukkunersiuinermi ileqqorissaarnissaat naapertorlugu kukkunersiusut kukkunersiortassavaat aamma kommunip naatsorsuinermeri atortui isornartorsiisumik misissortassavaat.

Imm. 3. Kukkunersiusut sukkulluunniit nalunaaruteqaqqaaratik karsimik misissuisinnaatitaapput akuttunngitsunillu kommunip naatsorsuutaanik misissuisassallutik, tassungalu atatillugu nakkutilliinermeri iliuusissatut akuerisaasut, taakkununnga ilanngullugit qarasaasiat atornissaannut najoqqutassiat toqqisisimanartuunersut misissorneqarnissaat siuunertaralugu.

Imm. 4. Kommunalbestyrelsi paasissutissanik pissarsinissamut paasissutissanillu kukkunersiusut ingerlatsinermanni pisariaqartitaannik tunniussinissamut pisussaavoq.

Imm. 5. Imm. 3 naapertorlugu kukkunersiusut suliaqarnerannut atatillugu § 43, imm. 1 aamma 2 kukkunersiusut nalunaarutaannut atorneqarsinnaapput.

§ 45. Kommunalbestyrelse kommunip karsiata naatsorsuuseriviatalu aaqqissuussaanerannut sole-riaaseqarnerannullu tunngatillugit malittarisassaliussaaq. Malittarisassaaq kommunip kukkunersiusunut nassiunneqassaaq, taakkualu allannguutinik atulersitsinnginnermi tamatigut ilisimatinneqartassapput.

Imm. 2. Kommunip karsiata naatsorsuuseriveqarneratalu aqunneqarnissaannut, kontulersuisarnissamut, kukkunersiusarnissamut aamma kukkunersiusut oqaaseqaateqartarnissaannut Naalakkersuisut malittarisassaliorsinnaapput.

Kapitali 7

Aningaasaqarnermut Siunnersuisoqatigiit

§ 46. Naalakkersuisut Aningaasaqarnermut Siunnersuisoqatigiit akit nikerarnerannik aningaasaqarnermillu ingerlatsinerup attanneqarsinnaaneranik nalilersuisussat pilersissavaat. Aamma Naalakkersuisut siunnersuisoqatigiit qinnuigisinnaavaat inuaqatigiit aningaasaqarnerannut pingaarutilinnik allatigut siunnersoqqullutik.

Imm. 2. Aningaasaqarnermut Siunnersuisoqatigiit katitigaanerat, piffissaq atuuffissaat il.il. nalunaarutikkut aalajangersarneqassapput.

Imm. 3. Aningaasaqarnermut Siunnersuisoqatigiit allattoqarnerat aningaasaqarnermut naalakkersuisoqarfimmit isumagineqarpoq.

Imm. 4. Naalakkersuisut Aningaasaqarnermut Siunnersuisoqatigiit suleriaasissaat aalajangersarneqassapput.

Kapitali 8

Pineqaatissiissutaasinnaasut

§ 47. Inatsit manna malillugu pisussaaffigisanik kommunalbestyrelsi isumaginnikkusunngippat Nakkutilliisoqarfik kommunalbestyrelsimi ilaasortanut pisussaaffimmik isumaginnikkusunngitsunut pinngitsaaliisummik akileeqqusilluni peqqusisinnaavoq.

Imm. 2. Kommunalbestyrelsimit ilaasortaq kommunalbestyrelsimi ilaasortatut pisussaaffimminik sakkortuumik unioqqutitsisoq akiliisinneqartussanngortinnejarsinnaavoq.

Imm. 3. Assuarliut imm. 2 naapertorlugu pisoq taamaallaat Nakkutilliisoqarfip piumasaqarneratigut pisinnaavoq.

Kapitali 9

Atuutilersinneqarnera ikaarsaariarnermilu aalajangersakkat

§ 48. Inatsisartut inatsisaat 1. januar 2018 atuutilissaaq, taamaattoq takuuq imm. 2-4.

Imm. 2. §§ 14 aamma 17-ip atuutilerfissaannut piffissaq nalunaarut aqqutigalugu Naalakkersuisunit aalajangersarneqassaaq.

Imm. 3. § 18 1. december 2016 atuutilissaaq.

Imm. 4. § 26, imm. 3-5, aamma §§ 27-30 ulloq 1. januar 2019 atuutilissapput.

Imm. 5. Ulloq 31. december 2017 Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaat nr. 23, 3. november 1994-imeersoq, Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersoq §§ 21-24 kisiisa pinnagit, Namminersornerullutik Oqartussat missingersuutaat pillugit Inatsisartut inatsisaata nr. 8, 29. oktober 1999-imeersup allanngortinnejarsinnaaneranik Inatsisartut inatsisaat nr. 1, 23. maj 2000-imeersoq

kiisalu Kommunit aqunneqarnerat pillugu Inatsisartut inatsisaat nr. 22, 18. november 2010-meersumi §§ 40-50 atorunnaarsinnejassapput.

Imm. 6. Inatsisitigut aalajangersakkat imm. 5-mi inatsisit aalajangersakkallu taaneqartut malillugit atortussanngortinneqarsimasut atuutiinnassapput inatsisitigut aalajangersakkanik Inatsisartut inatsisaat manna malillugu atortussanngortinneqartunik taarserneqarnissaat tikillugu.

§ 49. Sanaartugassanut Iluarsagassanullu Aningaasaateqarfik, takuuk Namminersornerullutik Oqartussat missingersuutaat pillugit Inatsisartut inatsisaanni §§ 21-24, §§ 14-17 atulersinnejassapput ukiut tallimat qaangiunneranni ulloq 31. december atorunnaarsinnejassaaq, takuuk § 48, imm. 2. Namminersornerullutik Oqartussat missingersuutaat pillugit Inatsisartut inatsisaanni §§ 21-24 Sanaartugassanut Iluarsagassanullu Aningaasaateqarfip atorunnaarsinnejassapput peqatigisaanik atorunnaarsinnejassapput.

Imm. 2. Naalakkersuisut Sanaartornermik Iluarsartuussisarnermillu aningaasaateqarfip atorunnaarsinnissaanut malittarisassanik erseqqinnerusunik aalajangersaasinnaapput, tassunga ilanngullugu aningaasaateqarfip ataani sulianik atorunnaarsitsinernut atatillugu ikaarsaarnermi aaqqissuussinernik aningaasaateqarfip aningaasaataanik nuussinernik aalajangersaanerit.

Namminersorlutik Oqartussat, ulloq 28. november 2016

Kim Kielsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut

